

**ხელშეკრულება N 8/23**  
**სახელმწიფო შესყიდვის შესახებ**

ქ.თბილისი

17.04.2018წ.

შპს “ბლექ სი არენა ჯორჯია”, შემდგომში მოხსენიებული, როგორც “შემსყიდველი”, წარმოდგენილი დირექტორის ანა კაველიძის სახით, და შპს “დეგაპრინტი” შემდგომში მოხსენიებული როგორც “მიმწოდებელი”, წარმოდგენილი მისი დირექტორის ლაშა სოხაძის სახით, მოქმედი საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის საფუძველზე ვდებთ წინამდებარე ხელშეკრულებას (შემდგომში - „ხელშეკრულება“) შემდეგზე:

წინამდებარე ხელშეკრულება ადასტურებს შემდეგს:

1. მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.
2. მიმწოდებელი იღებს ვალდებულებას კეთილსინდისიერად და ჯეროვნად შეასრულოს ხელშეკრულებით ნაკისრი ვალდებულებები.
3. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება, ხელშეკრულების პირობებში ასახულ ვადებში და ფორმით.
4. „მხარე“ ნიშნავს შემსყიდველს და მიმწოდებელს.
5. „მხარეები“ ნიშნავს შემსყიდველს და მიმწოდებელს ერთად.

ყოველივე ზემოაღნიშნულის დასტურად მხარეებმა გავაფორმეთ წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

**მუხლი 1. ტერმინთა განმარტებები**

- 1.1 „ხელშეკრულება სახელმწიფო შესყიდვის შესახებ“ (შემდგომში ხელშეკრულება) - ნიშნავს შემსყიდველს და მიმწოდებელს შორის დადებულ ხელშეკრულებას, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ ნიშნავს წინამდებარე ხელშეკრულების მე-4 მუხლის 4.1 პუნქტში მითითებულ თანხას, რომელიც შემსყიდველმა უნდა გადაიხადოს მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისთვის.
- 1.3 „შემსყიდველი“ ნიშნავს „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ა“ ქვეპუნქტით განსაზღვრული სახსრებით განმახორციელებელ პირს.
- 1.4 „მიმწოდებელი“ ნიშნავს პირს, რომელმაც შემსყიდველ ორგანიზაციასთან დადო ხელშეკრულება სახელმწიფო შესყიდვის შესახებ.

## მუხლი 2. ხელშეკრულების საგანი

2.1. წინამდებარე ხელშეკრულების საგანია შემსყიდველის მიერ მიმწოდებლისგან ხელშეკრულების ღირებულების ფარგლებში პრეს-რელიზის დაბეჭდვის მომსახურების შესყიდვა (CPV79800000) დანართი N1-ის შესაბამისად.

2.2 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულებით განსაზღვრულ ვადებში და ფორმით.

## მუხლი 3. მომსახურების გაწევის ვადები და ადგილი

3.1 მომსახურების გაწევის ვადა განისაზღვრება ხელშეკრულების გაორმებიდან არაუგვიანეს 18 აპრილისა.

## მუხლი 4. ხელშეკრულების ღირებულება

4.1 ხელშეკრულების ღირებულება შეადგენს არაუმეტეს 69,90 (სამოცდაცხრა ლარი და 90 თეთრი) ლარს, საქართველოს კანონმდებლობით დადგენილი შესაბამისი გადასახადების გათვალისწინებით. ანგარიშსწორება წარმოებს საზოგადოების ბიუჯეტის ფარგლებში.

## მუხლი 5. ანგარიშსწორება

5.1 ანგარიშსწორება მოხდება წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად, გამოწერილი ანგარიშ-ფაქტურის საფუძველზე და ფაქტიურად გაწეული მომსახურების მიღება-ჩაბარების აქტის გაფორმებიდან 10 (ათი) სამუშაო დღის ვადაში.

5.2 ანგარიშსწორების ვალუტა \_ ლარი;

5.3 ანგარიშსწორების ფორმა \_ უნაღდო;

5.4 ხელშეკრულების ღირებულების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევებში.

## მუხლი 6. მხარეთა პასუხისმგებლობა

6.1 ერთ-ერთი მხარის მიერ ნაკისრი ვალდებულების შეუსრულებლობის ან არასათანადო შესრულების შემთხვევაში, ბრალეული მხარე დაზარალებულ მხარეს აუნაზღაურებს დოკუმენტალურად დადასტურებულ მიყენებულ ზიანს, საქართველოში მოქმედი კანონმდებლობით დადგენილი წესით.

6.2 მიმწოდებელი პასუხს აგებს მისთვის დაკისრებული ვალდებულებების სათანადო შესრულებისათვის და ვალდებულია აანაზღაუროს მისი ქმედებით დამდგარი ყველა სახის ზიანი.

6.3 მხარეების მიერ მისი ვალდებულებების შეუსრულებლობის ან არასათანადოდ შესრულების შემთხვევაში მას ეკისრება პირგასამტეხლო შეუსრულებელი ვალდებულების ღირებულების 0,2% ოდენობით ყოველ ვადაგადაცილებულ დღეზე.

6.4 იმ შემთხვევაში, თუ „მიმწოდებელზე“ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, „შემსყიდველი“ იტოვებს უფლებას შეწყვიტოს ხელშეკრულება და მოსთხოვოს „მიმწოდებელს“ შესაბამისი პირგასამტეხლო 10%-ის ოდენობით

6.5 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.



6.6 მიმწოდებლის მიერ ხელშეკრულების პირობების შეუსრულებლობის შემთხვევაში შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

6.7 თუ შემსყიდველი მიიღებს ასეთ გადაწყვეტილებას ვალდებულია შეატყობინოს მიმწოდებელს მიღებული გადაწყვეტილება, კანონმდებლობით დადგენილი წესით.

6.8 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

#### **მუხლი 7. ხარისხი და გარანტია.**

7.1 მიმწოდებელი პასუხს აგებს გაწეული მომსახურების ხარისხზე და იძლევა გარანტიას რომ შესაბამისობაში იქნება მოქმედ სტანდარტებთან.

#### **მუხლი 8. მიწოდების ხელშეკრულების პირობებთან შესაბამისობის დადგენის და მიღება ჩაბარების წესი**

8.1 შემსყიდველი უფლებამოსილია ჩაატაროს გაწეული მომსახურების ინსპექტირება, რისთვისაც გამოყოფს უფლებამოსილ პირს შპს „ბლექ სი არენა ჯორჯია“-ს მარკეტინგისა და ღონისძიებათა მართვის დეპარტამენტის მთავარ სპეციალისტს თამარ პაპუკაშვილს. რომელიც უფლებამოსილია ჩაატაროს ხელშეკრულების პირობების შესრულების ინსპექტირება.

8.2 ხელშეკრულებით გათვალისწინებული მომსახურების გაწევის დადასტურების მიზნით შემსყიდველს და მიმწოდებელს შორის ფორმდება მიღება-ჩაბარების აქტი.

8.3 შემსყიდველი უფლებამოსილია განაცხადოს უარი დაგვიანებით ან უხარისხოდ (წუნდებული) გაწეულ მომსახურებაზე. ასეთ შემთხვევაში შემსყიდველი თავისუფლდება ხელშეკრულების ღირებულების გადახდის ვალდებულებისაგან.

8.4 შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება შპს „ბლექ სი არენა ჯორჯია“-ს მარკეტინგისა და ღონისძიებათა მართვის დეპარტამენტის მთავარ სპეციალისტს თამარ პაპუკაშვილს.

#### **მუხლი 9. მხარეთა უფლება-ვალდებულებები**

9.1 მიმწოდებელი ვალდებულია:

ა) მიაწოდოს შემსყიდველს ხელშეკრულებით გათვალისწინებული საქონელი, წინამდებარე ხელშეკრულებით გათვალისწინებული პირობების შესაბამისად.

ბ) განიხილოს შემსყიდველის პრეტენზიები და მიაწოდოს მოტივირებული პასუხი ნებისმიერ სადაო საკითხებზე.

9.2 შემსყიდველი ვალდებულია:

ა) დროულად აცნობოს მიმწოდებელს მიწოდებულ საქონელთან დაკავშირებული ხარვეზების შესახებ;

ბ) გადაიხადოს ხელშეკრულების ღირებულება.

#### **მუხლი 10. ფორს-მაჟორი**

10.1 წინამდებარე ხელშეკრულებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მიმწოდებელისა და/ან შემსყიდველის შეცდომებთან და დაუდევრობასთან. ასეთი გარემოება შეიძლება გამოწვეულ იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.2 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.



10.3 ფორს-მაჟორული სიტუაციის 10 დღეზე მეტი ხნით გაგრძელების შემთხვევაში მხარეები უფლებამოსილნი არიან ცალმხრივად შეწყვიტონ ხელშეკრულება, რაც დაუყოვნებლივ უნდა ეცნობოს მეორე მხარეს.

**მუხლი 11. ხელშეკრულების მოქმედების ვადა**

11.1. ხელშეკრულება ძალაში შედის ხელმოწერის დღიდან და მოქმედებს 2018 წლის 31 დეკემბრის ჩათვლით გარდა იმ შემთხვევისა, როდესაც ხელშეკრულება ვადაზე ადრე შეწყდება.

**მუხლი 12. ხელშეკრულების დადების საფუძველი.**

12.1. ხელშეკრულების დადების საფუძველი არის „სახელმწიფო შესყიდვების შესახებ საქართველოს კანონის მე-3 მუხლის პირველი პუნქტის ს<sup>1</sup>“ ქვეპუნქტი.

**მუხლი 13. სხვა პირობები**

13.1 მხარეთა შორის სადაო საკითხები წყდება ურთიერთმოლაპარაკების გზით. შეთანხმების მიუღწევლობის შემთხვევაში მხარეები უფლებამოსილნი არიან მიმართონ საქართველოს სასამართლოს.

13.2 ხელშეკრულებაში დამატებების და/ან ცვლილებების შეტანა შესაძლებელია მხოლოდ წერილობითი ფორმით, მხარეთა ან მათი უფლებამოსილი წარმომადგენლების მიერ ხელმოწერით.

13.3 მხარეები უფლებამოსილნი არიან მომალონ წინამდებარე ხელშეკრულება ცალმხრივად, თუ მეორე მხარე ვერ უზრუნველყოფს ნაკისრი ვალდებულებების ჯეროვან შესრულებას ან საქართველოს კანონმდებლობით გათვალისწინებულ სხვა შემთხვევებში.

13.4 ხელშეკრულება შედგენილია ქართულ ენაზე სამ ეგზემპლარად და თითოეულს გააჩნია თანაბარი იურიდიული ძალა.

**მხარეთა რეკვიზიტები:**

შპს „ბლექ სი არენა ჯორჯია“  
ს/კ: 405158804  
მის: სოფ. ნატანები (შეკვეთილი)  
სს „თი ბი სი“ ბანკი  
საბანკო კოდი: TBCBGE22  
ა/ა: GE37TB7894634050100002

დირექტორი

ანა კავლელიშვილი



შპს „დეგაპრინტი“  
ს/კ: 204444477  
მის: ქ.თბილისი, ვირსალაძის ქ. N8  
სს „თი ბი სი ბანკი“  
საბანკო კოდი: TBCBGE22  
ა/ა: GE41TB0600000101467543

Handwritten signature



დირექტორი

ლაშა სოხაძე

დანართი N 1

№	აღწერა	რაოდენობა	ფასი	თანხა
1	პრეს რელიზი	30	2,33	69,90
სულ ღირებულება დრგ-ს ჩათვლით:				69,90

მხარეთა რეკვიზიტები:

შპს „ბლექ სი არენა ჯორჯია“  
ს/კ: 405158804  
მის: სოფ. ნატანები (შეკვეთილი)  
სს „თი ბი სი“ ბანკი  
საბანკო კოდი: TBCBGE22  
ა/ა: GE37TB7894634050100002

დირექტორი

ანა კავლეიშვილი



შპს „დეგაპრინტი“  
ს/კ: 204444477  
მის: ქ.თბილისი, ვირსალაძის ქ. N8  
სს „თი ბი სი ბანკი“  
საბანკო კოდი: TBCBGE22  
ა/ა: GE41TB0600000101467543

დირექტორი

Handwritten signature of the director of Degeprinti.

